

ANGALAQATAASUSSAMIK TOQQAASARNEQ, KIISALU MEEQQANIK,  
INUUSUTTUNIK INNARLUUTILINNILLU ISUMAGINNINNIKKUT  
NAKKUTIGINEQARTUNUT ANGALLASSINERMI AKISSARSIAT PILLUGIT  
KAAJALLAASITAQ. (Taamaallaat Kalaallit Nunaanni, Kalaallillu Nunaannit Danmarkimut  
angalanermi atuuppoq).

Angalaqataasussamik toqqaaneq.

§ 1. Meeqqanik inuusuttunillu imaluunniit innarluutilinnik paaqqinniffinnut imaluunniit  
angerlarsimaffiup avataani ilaqutariinnut inissiinermi, kommunimi najugarivitami isumaginninnermi  
ataatsimiititap sullitap angalatinneqarnerata isumannaatsuunissaa isumagissavaa.

Tamannalu aamma feriarnermi tikeraarluni angalanermi, isumaginninnermi ataatsimiititami  
aaqqissorneqartuni atuuppoq. Kalaallit Nunaata Danmarkillu akornanni angalanerit pillugit  
malittarisassat immikkut ittut kaajallaasitami nr. 185-imiittut, Inatsisartut meeqqanik inuusuttunillu  
ikiorsiisarneq pillugu peqqussutaat naapertorlugu, Danmarkimi inissinneqarsimasut taakkulu  
angajoqqaavisa akiliunnerqarlutik angalatinneqartarnerannut tunngasut, kiisalu kaajallaasitami  
neqartarnerannut tunngasut, kiisalu kaajallaasitami 184-imiittut, Inatsisartut timimikkut  
eqqarsartaatsimikkullu annertuumik innarluutilit isumagineqarnerat pillugu peqqussutaat  
naapertorlugu, Danmarkimi inissinneqarsimasut taakkulu qanigisaasa aammalu  
inuutissarsiorsinnaajunnaarnersiutillit/sioqqutsisumik utoqqalinersiutillit ilaasa akiliunnerqarlutik  
angalatinneqartarnerannut tunngasut takoqquneqarput. Namminersomerullutik O qartussat  
Danmarkimi allaffeqarfiata, isumaginninnermi immikkoortoqarfia suliassani taakkunani  
akisussaavoq.

§ 2. Pingaarnertut atuuppoq - tamanna periarfissaqartillugu illersorneqarsinnaatillugulu -  
angajoqqaat arlaata imaluunniit ilaqqat ilaata angajlaqataatinneqartarnissaa.

Taamaaliortoqarsinnaangippat isumaginninnermi ataatsimiititap sapinngisamik,

pinerqartup pissutsinik atugaanik ilisimasalimmik, taassumalu tatigisaanik angalaqatissarsiusavaa. Imaluunniit paaqqinniffinni pineqartup isinneqarfigisaassaani, sulisut ilaat angalaqataatinneqarsinnaavoq.

Angalanerup erseqqinnerusumik  
piareersarneqarnera.

§ 3. Isumaginninnermi ataatsimiititap isumagissavaa, angalaqataasussaq tamatigit allakkatigit erseqqissumik angalanissaap pilersaarusiomeranik siunertaanillu ilisimatissallugu, tamatumani ilanngullugu angalanerup nalaani ajornartorsiuteqalissagaluaruni sumut saaffiginnissasoq (telefonikkut telegram-ikkulluunniit). Aammalu angalaqataatinneqartoq billet-eqassaaq, angalanerullu nalaani aningaasartuutissanut naammattunik nassataqartinneqassalluni, takukkit " 5 aamma 6.

Aammalu isumaginninnermi ataatsimiititap isumagissavaa, sullitap angalanissamini atisanik eqqiarnissamullu atortunik naammattunik nassataqarnissaa, qulakkeerniassallugulu pappialat pisariaqartut soorlu, kinaassutsimik uppersaatiq, kapitissimanerme uppersaatiq, sumi najugaqarnermi uppersaatiq il.il. nassartinneqarnissai. Angajoqqaat angalaqataatinneqartussat angalanerup aallartinninnerani, isumaginninnermi ataatsimiititaamut akissarsiasaraluit annaasat matuneqarnissaat qinnuteqaatigisinnaavaat. Ilangullugu kaajallaasitaq nr. 181 takoqquneqarpoq.

§ 4. Kalaallit Nunaata iluani angalanerme, paaqqinniffik inissiivigineqartussaq kommunimilu inissiivigineqartussap isumaginninnermi ataatsimiititaa, ullunik angallavissanik angalaqataasussallu aqqanik, angalanissaq sioqqutingaarlugu ilisimatinneqassaapput, kiisalu angalaqataatinneqartup najugaqartinneqarnissaa immaqalu uterluni angalanissaanut tunngasut isumaqatigiissutigineqareersimassallutik.

Danmarkimut angalanerme, isumaginninnermi ataatsimiititap Danmarkskontori tamakkuninnga ilisimatissavaa. Tamatuma kingorna Danmarkskontorip inissiivigineqartussap pisariaqartunik ilisimatinneqarnissaa akisussaaffigilissavaa, taamalu angalanerup uninnganerullu Danmarkimi pisup aqqissuunnissaa akisussaaffigilissallugu.

Angalanerme aningaasartuutit,  
angallassisup akissarsiasai il.il..

§ 5. Kommunip najugarivitap Namminersomerullutilluunniit Oqartussat billet-inut, nerisaqarnermut unnuisinnaanemullu aningaasartuutit tamaasa sullinneqartumut angallassisumullu tunngasut akilissavaat, takuuk ' 7.

Angallassisoq eqqarsaatigalugu tassunga aningaasartuutit, naalaqaaffiup atorfilittaanut ullormusiat akilerneqartarnerannut malittarisassat atuuttut malillugit akilerneqartassapput. Sullitaq eqqarsaatigalugu, angalanerup nalaani unnuisarnissanut nerisanullu atugassamik rekvisitionimik nassartitsisoqassaaq.

§ 6. Sullitap pisariaqartitaanut annikinnerusunut atugassannik aningaasanik pisariaqartitakujunntut atugassanik angallassisoq nassartinneqassaaq, soorlu sodavand -inut, paarnanut, mamakujunntut, pinngussanut, atuagassanut il.il. angalanerup nalaani atugassanik.

Angallassisoq angajoqqaat arlarinngippaassuk, angallassisoq akissarsiaqartinneqassaaq, taanna pineqartoq isumaqatigiissuteqarnikkut/ Pisortat Isumaqatigiinniartartoqatigiiviniq isumaqatigiissuteqarnikkut akissarsiaqartinneqariinngippat.

Taamaallaalli ullut unnuallu, angallassisup sullitamut akisussaaffeqarfigisimasai, akissarsiaqarfiussapput.

Aningaasat qulaani taaneqartut, akit ingerlaavartumik aaqqiivigineqartarnerat malillugu aaqqiivigineqartarput, Isumaginninnermilu Pisortaqaarfiup aningaasat isumaginninnermi tunniunneqartartut pillugit kaajallaasitaani nalunaarutigineqartarlutik.

Aningaasalersuineq il.il..

§ 7. Akiliunneqarluni angalatitaanerit tamarnik, tamatumalu kingunerisaanik aningaasartuutit, Kalaallit Nunaanni kommunimit najugarivitamit akilerneqartassapput, meeqqanik inuusuttunillu ikiorsiisarneq pillugu Inatsisartut peqqussutaat nr. 12 1. november 1982-imeersoq malillugu, taamaattorli inuit timimikkut eqqarsartaatsimikkullu annertuumik innarluutillit pineqartillugit, isumagineqarnerat pillugu Inatsisartut peqqussutaat naapertorlugu, angalanerni aningaasartuutit tamavimmik Namminersornerullutik Oqartussanit akilerneqartassallutik.

Atortuulersitsineq il.il..

§ 8. Kaajallaasitaq una ingerlaannarluni atuutilerpoq, peqatigitillugulu Isumaginninnermi Pisortaqaarfiup kaajallaasitaa nr. 144, angalaqataasussamik toqqaaniarnermut, kiisalu meeqqanik inuusuttunillu angerlarsimaffiup avataanut inissinneqartunut angallassinnermi akissarsisitsisarnermut tunngasoq atorunnaarpoq.

Isumaginninnermi Pisortaqarfik, 1. juni 1988.

Aqqaluk Lynge

/

Martha Labansen